



**O‘ZBEKISTON RESPUBLIKASI NAMANGAN VILOYATI**  
**UCHQO‘RG‘ON TUMANI HOKIMINING**  
**Q A R O R I**

2021 - yil 27 - noyabr

411-6-87-Q/21

Uchqo‘rg‘on tuman hokimligi

**Ўзбекистон Республикаси Президентининг “Юриш, югуриш, минифутбол, бадминтон, стритбол ва “Workout” спорт турларини янада ривожлантириш чоратadbirlari тўғрисида” 2021 йил 5 ноябрдаги ПҚ-5282-сонли ва шу ҳақидаги вилоят ҳокимининг 2021 йил 14 ноябрдаги 356-6-0-Q/21-сонли қарорлари ижроси ҳақида**

Ўзбекистон Республикаси Президентининг “Юриш, югуриш, минифутбол, бадминтон, стритбол ва “Workout” спорт турларини янада ривожлантириш чоратadbirlari тўғрисида” 2021 йил 5 ноябрдаги ПҚ-5282-сонли ва шу ҳақидаги вилоят ҳокимининг 2021 йил 14 ноябрдаги 356-6-0-Q/21-сонли қарорларини туманда ижросини таъминлаш мақсадида, “Маҳаллий давлат ҳокимияти тўғрисида”ги Ўзбекистон Республикаси Қонунининг 6 ва 25- моддаларига асосан,

**Қ А Р О Р Қ И Л А М А Н:**

1. Ўзбекистон Республикаси Президентининг “Юриш, югуриш, минифутбол, бадминтон, стритбол ва “Workout” спорт турларини янада ривожлантириш чоратadbirlari тўғрисида” 2021 йил 5 ноябрдаги ПҚ-5282- сонли ва шу ҳақидаги вилоят ҳокимининг 2021 йил 14 ноябрдаги 356-6-0-Q/21-сонли қарорлари ижро учун қабул қилинсин.

2. Ўзбекистон Республикаси Президентининг мазкур қарори билан:

қуйидагилар:

Ўзбекистон Республикаси Президентининг “Соғлом турмуш тарзини кенг татбиқ этиш ва оммавий спортни янада ривожлантириш чоратadbirlari тўғрисида” 2020 йил 30 октябрдаги ПФ-6099-сон Фармонига мувофиқ республикада аҳоли ўртасида оммавий спортни ривожлантириш ва соғлом турмуш тарзини татбиқ қилишда юриш, югуриш, мини-футбол, велоспорт, бадминтон, стритбол, “Workout” (маҳалла ва кўча фитнеси) спортнинг устувор турлари (кейинги ўринларда спортнинг устувор турлари) этиб белгиланганлиги;

Ўзбекистон Республикасининг 2020 йил 25 декабрдаги ЎРҚ-657-сон Қонуни билан тасдиқланган 2021 йил учун Республика бюджетидан биринчи даражали бюджет

маблағларини тақсимловчиларга ажратиладиган маблағларнинг чекланган миқдорларига асосан Туризм ва спорт вазирлигига спортнинг устувор турларини оммавийлаштириш ва ривожлантириш дастурларини амалга ошириш учун 104 миллиард сўм ажратилганлиги;

қуйидагиларни назарда тутувчи 2021-2022 йилларда юриш, югуриш, мини-футбол, бадминтон, стритбол ва “Workout” спорт турларини янада ривожлантириш чоратadbирлари дастури (кейинги ўринларда дастур) 1- иловага мувофиқ тасдиқланганлиги:

спортнинг устувор турларини бошқариш тизимини такомиллаштириш;

аҳоли ўртасида спортнинг устувор турлари оммавийлигини ошириш, икtidорли ёшларни саралаш (селекция);

спортнинг устувор турлари билан шуғулланиш учун шарт-шароитлар яратиш, уларни оммалаштириш, моддий-техника базасини мустаҳкамлаш, замонавий спорт анжомлари билан таъминлаш;

худудларда спортнинг устувор турларини янада ривожлантириш ва оммалаштиришга қаратилган спорт тадбирларини ташкил этиш;

соғлом турмуш тарзининг энг муҳим таркибий қисми сифатида жисмоний тарбия ва спортни тарғиб қилиш ҳамда бу жараёнда юқори даражали ахборотлаштиришни ва мультимедиа маҳсулотларидан фойдаланишни таъминлаш;

қуйидаги спорт мусобақалари ҳар йили ўтказилиши:

юриш ва югуриш бўйича “Tashkent Marathon”, “Samarkand Half Marathon” ва “Zaamin Ultra” халқаро марафонлари, “Sky Camp Bostanliq” триатлон ва йога марафонлари, “Барча рекордлар бизники!” (5 ва 10 минг қадамга), турли масофаларга югуриш бўйича “Янги рекордлар сари!”;

мини-футбол бўйича - “Янги Ўзбекистон ёшларимиз”, “Соғлом оила Янги Ўзбекистон таянчи” (оилавий жамоалар ўртасида) “Раҳбар кубоги” (давлат органлари ва ташкилотлари ходимлари ўртасида);

бадминтон бўйича “Баҳор маликалари”, “Бадминтон лигаси” (умумий, ўрта ва профессионал таълим муассасалари ўқувчилари ўртасида), “Раҳбар кубоги” (давлат ва нодавлат ташкилотларининг ходимлари ўртасида) ва “Имкониятингиздан кўпроғини бажаринг!” (аҳолининг кенг қатламлари ўртасида);

стритбол ва “Workout” бўйича “Рекорддан янги рекордга!” ва “Гиёҳванд моддаларга қарши!” (таълим муассасалари ўқувчи ва талабалари ўртасида), “Муҳими ғалаба қозониш эмас, балки қатнашиш!” (маҳалла жамоалари ўртасида), “Қишлоғинг учун ғалаба қозон!” (қишлоқ жамоалари ўртасида), “Соғлом танда соғлом фикр!” (давлат ва нодавлат ташкилотларининг ходимлари ўртасида);

белгиланишича, мазкур қарор билан белгиланган спорт мусобақаларини ўтказиш, ғолиб ва совриндорларни рағбатлантириш билан боғлиқ ҳар йилги харажатлар Давлат бюджети параметрларида Туризм ва спорт вазирлиги учун кўзда тутиб бориладиган

маблағлар ҳисобидан қопланиши;

2021-2025 йилларда ҳудудларда бадминтон, стритбол ва “Workout” спорт турлари учун 1164 та спорт майдончаларини ташкил этиш параметрлари (кейинги ўринларда параметрлар) 2-иловага мувофиқ тасдиқланганлиги;

Белгиланишича, Давлат бюджетидан 2021 йилдан бошлаб дастур ва параметрлар тўлиқ бажарилгунга қадар ҳар йили 104 миллиард сўмдан маблағлар ажратилиши;

спортнинг устувор турлари бўйича спорт майдончаларини ташкил этиш ва жиҳозлаш учун белгиланган тартибда шакллантириладиган рўйхатлар бўйича четдан олиб кириладиган, Республикада ишлаб чиқарилмайдиган махсус спорт анжомлари ва жиҳозлари, инвентарь, қурилиш материаллари ва моддий-техника ресурслари 2024 йил 1 сентябрга қадар божхона божидан озод этилганлиги эътиборга олинсин.

3. Туман ҳокимининг ўринбосари (С.Турсунов) ҳамда туризм ва спорт бўлими (Ў.Олимов) билан биргаликда Ўзбекистон Республикаси Президентинг 2021 йил 5 ноябрдаги ПҚ-5282-сонли ва шу ҳақидаги вилоят ҳокимининг 2021 йил 14 ноябрдаги 356-6-0-Q/21-сонли қарорларида келтирилган спорт мусобақаларини тизимли равишда ташкиллаштириб борсин, уларга аҳолининг барча қатламлари, айниқса ёшларни кенг жалб қилсин.

4. 2022 йил 1 январдан бошлаб спортнинг устувор турлари бўйича туманда иқтидорли ёшларни аниқлаш, танлаш ва саралашнинг (селекция) 3 босқичли тизими жорий этилсин:

биринчи босқичда - спортчилар ўртасида туман ҳокими кубоги;

иккинчи босқичда - туман мусобақалари ғолиблари ўртасида вилоят мусобақалари (вилоят ҳокими кубоги);

учинчи босқичда - вилоят мусобақалари ғолиблари ўртасида республика мусобақалари ўтказилиши маълумот учун қабул қилинсин.

5.Туман ҳокимининг ўринбосари (С.Турсунов), туман туризм ва спорт бўлими (Ў.Олимов), иқтидорли ёшларни аниқлаш, танлаш ва саралаш (селекция)нинг 3 босқичли тизимини туманда тўлиқ жорий қилиш ва мусобақалар натижалари асосида спорт-таълим муассасаларини иқтидорли спортчилар билан тўлдириб бориш юзасидан шахсан масъул этиб белгилансин.

6.Туман ҳокимининг ўринбосари (С.Турсунов):

ҳар йили спортнинг устувор турлари бўйича туманда мусобақаларни мунтазам равишда ўтказиб борилишида аҳолининг барча қатламлари хоҳишларига қараб уларнинг фаол иштирокини таъминлаш чораларини кўрсин;

спортнинг устувор турлари бўйича туманда мусобақаларни ўтказиш, ғолиблар ва совриндорларни рағбатлантириш билан боғлиқ харажатларни назарда тутсин.

7.Туман ҳокими ўринбосари(С.Турсунов):

туманда спорт майдончаларини фойдаланиш хусусиятини йўқотмаган ҳолда ва тегишли жойлашувига кўра маҳалла фуқаролар йиғини ёки уй-жой мулкдорлари ширкатларига текин фойдаланиш ҳуқуқи асосида берсин;

Маҳалла ва оилани қўллаб-қувватлаш бошқармаси билан биргаликда спорт майдончаларидан аҳолининг самарали фойдаланишини ташкил этиш, ўрнатилган ускуналарни сақлаш ва таъмирлаш билан боғлиқ харажатларни назарда тутсин;

бир ой муддатда туман бўйича намунавий лойиҳа асосида ҳар бир маҳаллада бадминтон, стритбол ва “Workout” спорт майдончаларини ташкил этишни назарда тутувчи 2021-2025 йилларда амалга оширилиши мўлжалланган ҳудудий манзилли дастурларни тасдиқлаш ҳамда ушбу ишларни давлат-хусусий шериклик асосида ташкил этишга ташаббускор маҳаллий тадбиркорлик субъектларини кенг жалб этиш чораларини кўрсин.

8.Туман ҳокими ўринбосари (С.Турсунов) - спорт майдончаларини ташкил этиш параметрларини ўз вақтида, сифатли ва тўлиқ бажарилишини таъминлаш юзасидан барча зарур чораларни кўрсин.

9.Мазкур қарорнинг бажарилишини назорат қилиш туман ҳокимининг ўринбосари С.Турсунов зиммасига юклансин.

Туман ҳокими



А.Ваҳобов